



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Traffic

Broj: 04-04-43277-41/21 KM  
Sarajevo, 30.12.2021. god.

**SKUPŠTINA KANTONA SARAJEVO**  
**SARAJEVO**

**PREDMET: Odgovor na „Zastupničku inicijativu“**

U prilogu dopisa dostavljamo Vam odgovor na pokrenutu zastupničku inicijativu na 45. Radnoj sjednici Skupštine Kantona Sarajevo održanoj dana 14.12.2021. godine, a od strane zastupnice Danijele Kristić.

**Pitanje:**

"Ovim putem podnosim inicijativu za subvencioniranje troškova javnog prijevoza (Gras i Centrotrans) za djecu sa poteškoćama u razvoju."

**Odgovor :**

U skladu sa Zakonom o osnovnom odgoju i obrazovanju („Službene novine Kantona Sarajevo br. 23/17) i Zakonom o srednjem obrazovanju („Službene novine Kantona Sarajevo br. 23/17), Ministarstvo saobraćaja Kantona Sarajevo ima potpisane sporazume sa svim općinama sa područja Kantona Sarajevo za osiguranje besplatnog prijevoza za redovne učenike javnih ustanova osnovnih škola, te prijevoza učenika srednjih škola (prvih i drugih razreda) i subvencioniranje troškova prijevoza redovnih učenika javnih ustanova srednjih škola (treći i četvrti razred), gdje nemaju uspostavljene redovne linije javnog linijskog prijevoza putnika za područje Kantona Sarajevo.

Također, istim sporazumom obuhvaćeni su i učenici sa poteškoćama u razvoju i njihovih pratioci. Općina će za učenike koji nemaju posebno organizovan prijevoz a koji pohađaju Centre iz člana 67. Zakona o osnovnom odgoju i obrazovanju i člana 114. Zakona o srednjem obrazovanju odobriti način korištenje prava na jedan od načina kako slijedi:

- ukoliko učenik ima mogućnost korištenja javnog linijskog prijevoza putnika odobriti sredstva za kupovinu mjesečnog kupona za učenika i pratioca,
- ukoliko učenik nema mogućnost korištenja javnog linijskog prijevoza putnika odobriti sredstva u visini troškova goriva po pređenom kilometru.



Općina je obavezna, za svaki pojedinačni zahtjev za ostvarivanje prava na naknadu za troškove prijevoza, provesti postupak te na osnovu materijalnih dokaza i utvrđenih činjenica donijeti akt kojim se utvrđuje način ostvarivanja prava na prijevoz.

Općina će dokumentaciju na osnovu koje je odobreno korištenje prava iz člana 67. Zakona o osnovnom odgoju i obrazovanju i člana 114. Zakona o srednjem obrazovanju te dokaz u uplati sredstava za prijevoz učenika sa poteškoćama u razvoju i njihovih pratioca dostaviti Ministarstvu u roku od 30 dana od završetka polugodišta školske godine na postupanje tj. kako bi se izvršio obračun i sravnavanje uplaćenih sredstva koja su od strane Ministarstva uplaćena na račun Općine u procjenjenom iznosu troškova prijevoza učenika za polugodište školske godine.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



MINISTAR



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

